




Dia Publico na Museo Arqueologico Aruba

ORANJESTAD(AAN)-- Diadomingo, dia 2 di maart, di 10'or di mainta te cu 2'or di atardi, Museo Arqueologico Aruba (MAA) lo habri porta pa publico en general por haya e oportunidad di mira con e localidad nobo a keda despues di tur e trabaoonan di restauracion y construccion. December 2007 personal di MAA a muda na e compleho consistiendo di edificionan monumental y nobo na Schelpstraat 42. Desde cu MAA a realoca, diariamente ta haya peticion di interesadonan cu kier haya un guia den e edificionan restaura y esnan nobo. MAA ta contento cu publico ta hopi interesa pa mira con bunita e edificionan a keda, no solamente di pafor pero tambe di paden. Sinembargo ta dificil pa personal di MAA honra e peticionnan individual aki. Pesey, a dicidi di duna e oportunidad na publico en general pa bishita e compleho, prome cu cuminsa cu instalacion di e exposicion nobo. Esaki ta un oportunidad unico cu MAA ta duna publico pa asina tur cu ta interesa por mira con e edificionan historico a keda restaura y cu awor e edificionan a haya funcion nobo como oficina, biblioteca, area educativo, area pa investigacion, laboratorio, deposito y sala di exposicion. Pa uso como sala di exposicion a traha un edificio nobo di glas pa asina haya suficiente espacio pa e exposicion nobo. Diadomingo dia 2 di maart proximo lo purba di duna publico un bista tambe kiko nan lo por spera di e exposicion



nobo. Lo pone informacionan tocante materialnan y di e diferente man-

ranan cu lo trece esaki na e bishitante. Lo tin benta di cuminda crioyo y bebi-

dá di cual fondonan gera ta pa proyectonan 'Fundacion Museo

torico Arubano'. E mesun dia, tambe di 10'or di mainta te cu 2'or di atardi, e exposicion "Herencia di Sclavitud", cu ta na Archivo Nacional di Aruba, tambe lo ta habri pa publico. Asina e diadomingo, dia 2 di maart, ta bira un dia dushi y educativo pa sali keiro cu bo famia y pasa bishita tanto e "open house" di Museo Arqueologico Aruba como e exposicion interesante di Fundacion Exposicion Herencia di Sclavitud.